



大日本史記

本紀

四





增  
775  
4

大日本史卷六



仁賢天皇  
武烈天皇  
繼體天皇  
安閑天皇  
宣化天皇  
仁賢天皇諱大脚字島即初禰億計王

本書註曰自餘天皇不言

本紀第六  
權中納言從三位源光國修  
男權中納言從三位綱條校





諱字至此書顯宗帝母兄也初辟難於丹波播磨之  
者據日本耳間二十六年矣清寧帝二年召至京師明年立為皇  
太子清寧帝崩天皇以天下讓顯宗帝仍為皇太子  
三年四月顯宗帝崩

元年戊辰春正月五日乙酉皇太子即天皇位於石  
上廣高宮本書註一本曰億計天皇之宮是為億計

天皇二月二日壬子立妃春日大娘為皇后平群真  
鳥為大臣大伴室屋為大連如故平群以下冬十月

三日己酉葬顯宗天皇

二年己巳秋九月難波小野皇后崩據例小野皇后

然與天皇有嫌隙  
故無尊之之文

三年庚午春二月己巳朔置石上部舍人

四年辛未夏五月的蚊島穗菟君有罪皆下獄死

五年壬申春二月五日辛卯敕諸國徧求佐伯部流  
亡者以佐伯部中子之後為佐伯造

六年癸酉秋九月四日壬子遣難波日鷹於高麗求  
工人日鷹以工匠須流枳奴流枳等還

七年甲戌春正月三日己酉立小泊瀨雅鷗為  
皇太子

八年乙亥大有年



十一年戊寅秋八月八日丁巳天皇崩于正寢本書  
關水鏡神皇正統記歷代皇紀愚管鈔皇年代畧記  
並曰年五十一代要記帝王編年記曰五十一未  
是孰葬河內埴生坂本陵初顯宗帝即位謂天皇曰先  
王無罪而大泊瀨天皇虐殺之暴骨郊野朕聞父之  
讐弗與共戴天匹夫有父母之讐者猶寢苫枕干不  
與共國朕既為天子又讐不復憤嘆盈懷今發其陵  
碎其骨投之草莽以此報之豈非孝乎天皇歔歔不  
能遽對發諫曰大泊瀨天皇統綜萬機照臨天下先  
王雖為皇統遭遇迤邐不登天位以此觀之尊卑分  
定其不可一也陛下與億計共蒙白髮天皇殊恩以

至于此大泊瀨天皇非其父乎億計聞無言不酬無  
德不報有恩不報敗俗之深者也陛下享國德行廣  
聞而忍行發掘恐非蒞國子民之道其不可二也顯  
宗帝喜從焉梅右事記曰顯宗帝欲遣人毀雄略帝  
鑿陵側還奏陵既毀矣帝怪其速問之天皇至其所少  
狀帝曰為報父王之仇欲毀其陵何如此乎對曰其  
長谷天皇雖為父仇從父也天子也欲執仇而毀其  
陵後世必謗誅之然父仇不可不報故少鑿陵側以  
辱之亦足以示後世善天皇幼而聰敏仁惠謙恕  
在位之間吏稱其官民安其業五穀豐登戶口蕃殖  
遠近清平海內歸仁追謚曰仁賢天皇  
武烈天皇仁賢帝子也母春日大娘皇后仁賢帝七



年立為皇太子十一年八月仁賢帝崩大臣平群真  
鳥驕橫擅政潛謀篡奪其子鮪無禮于皇太子皇太  
子與大伴金村謀殺之金村將兵誅鮪十月五日癸  
丑葬仁賢天皇十一月十一日戊子金村遂誅真鳥  
十二月金村請曰億計天皇子惟殿下在億兆屬望  
皇天保佑勦除凶黨英畧雄斷天威以盛伏願殿下  
仰答靈祇弘宣景命光宅日本誕受銀鄉於是命右  
司設壇場於泊瀨列城即天皇位遂都焉是為小泊  
瀨稚鷦鷯天皇是日以金村為大連大伴室屋為大  
連如故大伴以下補任按物部鹿鹿火亦為大連然  
年月未詳故不書曰事紀曰物部麻佐良連

公為  
大連

元年己卯春三月二日戊寅立春日娘子為皇后  
三年辛巳冬十一月詔大連大伴室屋發信濃男丁  
築城於水沘邑

四年壬午百濟末多王無道國人廢之立武寧王

六年甲申秋九月乙巳朔詔曰建傳國之基立子為  
貴朕無繼嗣何以傳名宜依旧例置小泊瀨舍人使  
萬世知有朕世冬十月百濟進調天皇以其久闕貢  
拘留其使麻那君

七年乙酉夏四月百濟王使其族斯我君進調



八年丙戌冬十二月八日巳亥天皇崩于列城宮本  
享年闕水鏡正統記曰年十八皇紀皇年代畧記皇  
代紀編年記並曰五十七今按仁賢帝壽五十或云  
五十一天皇在位八年則應即位四十九歲豈仁賢  
帝二十三歲而生乎若為十八則天皇未即位挑影  
媛豈十歲之兒而有此葬傍丘磐坏丘陵下有北宇  
事乎二說共不可信  
追謚曰武烈天皇天皇好刑名法令分明日晏坐朝  
斷獄得情鈞幽伸枉然性忍酷好殺凡諸慘刑皆自  
臨視割孕婦觀其胎拔人指甲使掘薯蕷使人伏入  
塘槭自持三及矛候其流出刺之又使人上樹而伐  
其樹或射墜之為快穿池起苑多畜禽獸而好田獵  
出入無時不避風雨又集侏儒倡優縱作淫樂嬉戲

日夜與宮人沈湎于酒錦繡為席綾紵為衣而不知  
天下之饑寒矣

繼體天皇初稱男大迹皇子一名彥太命應神帝五  
世孫彥主人王子也按本書曰事紀古事記只言五  
引上宮記曰應神天皇生稚野毛二汎皇子皇太子生  
太即神帝第八皇子彥主人王即繼體之父也正統記  
曰應神帝第八皇子彥主人王即繼體之父也正統記  
私斐王私斐王生彥主人王即繼體之父也正統記  
錄繫二汎皇子一本繫隼總別皇子舊事紀曰二汎  
皇子者三國君祖也姓氏錄曰三國真人出自繼體  
孫冒三國姓乎然則當據上宮記為是初彥主人王  
在近江高島郡三尾別業三國坂中井人有女曰振  
媛彥主人王聘以為妃生天皇既而彥主人王薨時



天皇尚幼振媛以謂我遠離桑梓不得膝養今當歸  
父母之家乃奉天皇居高向而鞠養之本書注高向  
越前邑名  
天皇及壯愛士禮賢意豁如也武烈崩無嗣大連大  
伴金村集群臣定議迎倭彥王於丹波倭彥王望見  
儀衛兵仗不揣其意大懼逃匿不出明年正月金村  
又集群臣議曰男大迹王慈仁孝順可承天緒大連  
物部鹿鹿火大臣巨勢男入等皆從其議乃遣臣連  
等持節備法駕迎之古事記曰至淡海國天皇據胡床  
自若齊列侍臣儼如帝坐持節使等敬憚願心天皇  
猶豫三日未就道會河內馬飼荒籠者潛遣人具告

大臣所以奉迎之意天皇意決遂發高向歎曰微荒  
籠我其取嗤於天下及踐祚厚加寵待二十四日甲  
申至山背樟葉宮

元年丁亥春二月四日甲午金村跪上鏡劔璽天皇  
辭曰子民治國重事也寡人薄德不敢當請更擇賢  
者金村伏地固請天皇西向讓者三南面讓者二金  
村等皆言曰臣等為宗廟社稷定議迎大王願垂聽  
納以厭眾望天皇曰大臣大連將相諸臣咸推寡人  
豈敢不從是日即天皇位是為男大迹天皇旧事記  
曰尊皇  
后為皇太夫人媛  
未知為誰故不取大伴金村物部鹿鹿火為大連許



勢男人為大臣並如故按男人為大臣年三月五日

甲子立手白香皇女為皇后九日戊辰詔曰朕聞一

夫不耕則天下或受其飢一女不織則天下或受其

寒是故帝王躬耕后妃親蠶以為天下先勸勉農桑

况厥百寮暨千萬族廢棄農績而能至殷富乎有司

普告天下令識朕意十四日癸酉納尾張日子媛三

尾推子媛坂田廣媛息長麻績娘子次田關媛三尾

倭媛和珥策媛廣媛八妃此日癸酉納八妃雖有先後而

占擇良日初拜後宮為文他皆效此

二年戊子十月三日癸丑葬武烈天皇

三年己丑遣使百濟括其民逃在任那日本縣邑絕

貫三四世者並歸之百濟本書注引百濟本紀曰久羅麻致岐禰從日本來

五年辛卯冬十月遷都山背筒城

六年壬辰夏四月六日丙寅遣哆唎國司穗積押山

于百濟仍賜筑紫馬四十匹冬十二月百濟貢調別

表請任那上哆唎下哆唎婆陀牟婁四縣許之

七年癸巳夏六月百濟遣將軍姐彌文貴洲利即爾

從穗積押山來貢五經博士段揚爾別奏云伴跋國

侵奪已汶之地伏請判還本屬冬十一月五日乙卯

召會百濟新羅安羅伴跋使者下詔以已汶帶沙地



賜百濟是月伴跋遣使載岐來獻珍室乞已汶之地  
不許十二月八日戊子立勾大兄皇子為皇太子舊事  
紀係八月詔曰朕承天緒獲保宗廟兢兢業業間者天  
下安靜海內清平屢致豐年頻使饒國懿哉摩呂古  
示朕心於八方盛哉勾大兄光吾風於萬國所室惟  
賢為善最樂聖化憑茲遠扇玄功藉此廣覃寔汝之  
力宜處春宮助朕施仁補闕  
八年甲午春正月賜皇太子妃春日皇女匣布帛倉  
三月伴跋築城備我侵掠新羅  
九年乙未春二月四日丁丑使物部連送百濟吏物部

連本書名闕引百濟  
本紀曰物部至至連夏四月伴跋出兵劫掠物部連  
僅免逃汶慕羅按釋日本紀慕羅島名也

十年丙申秋九月百濟遣將軍利利即爾送物部連  
來謝賜已汶之地貢五經博士漢高安茂請代旣揚  
爾聽之十四日戊寅又遣將軍灼莫古及日本斯那  
奴阿比多副高麗使安定等來朝

十二年戊戌春三月九日甲子遷都弟國

二十年丙午秋九月十三日己酉遷都倭磐余玉穗

本書一說

二十一年丁未夏六月使近江毛野率衆六萬往任



那復新羅所侵故地筑紫國造磐井反據火豐二國  
與新羅通謀拒毛野秋八月辛卯朔詔以大連物部  
麿鹿火爲大將軍討之

二十二年戊申冬十一月十一日甲子大將軍物部  
麿鹿火擊磐井破之磐井伏誅筑紫悉定

二十三年己酉春三月百濟請以加羅多沙津爲朝  
貢路許之遣物部伊勢父根吉士光等以津屬百濟  
加羅王怨之是月遣近江毛野於安羅和鮮諸蕃夏  
四月七日戊子任那王已能末多于岐來朝訖新羅  
背約侵掠是月遣使護送已能末多于岐詔近江毛

野宣敕使新羅任那渝乎秋九月大臣許鄒男入薨  
二十四年庚戌春二月詔曰自磐余彥之帝水間城  
之王皆賴博物之臣明哲之佐故道臣陳謨神日本  
以盛大彥申畧瞻瓊殖以隆及乎繼體之君欲立中  
興之功者曷不賴賢哲之謨謀乎降及小泊瀨天皇  
牽承前聖隆平日久俗漸敝而不悟政浸衰而不改  
唯其用人各以類進有大畧者不問其所短有高才  
者不非其短失故獲奉宗廟不危社稷由是觀之豈  
非朋佐之力乎朕承大業於今二十四年天下清泰  
內外無虞土脉膏腴穀稼有實竊恐元元藉此驕靡



成俗故今旌舉廉節宣揚大道流道鴻化能官之事  
自古為難爰登朕身豈不慎歟秋九月任那使來奏  
近江毛野綏馭失方是歲召還毛野

二十五年辛亥春二月七日丁未天皇崩于玉穗宮  
年八十二本書注一本云天皇二十八年歲次甲寅  
濟本紀為文其文曰大歲辛亥三月師進至安羅營  
乞德城是月高麗弒其王安又聞日本天皇及太子  
俱崩葬由是而言辛亥之歲當二十五年矣舊事紀  
並存兩說古事記年肆拾參歲與本書不合正統記  
曰武烈崩後二年空位天皇丁亥歲即位治二十  
年其餘諸書皆以為治二十五年辛亥歲崩今按安  
開元年大歲甲寅崩在辛亥則壬子癸丑二年空位  
然據本書安開即位是日天皇崩之文不應有空  
位蓋武烈崩無嗣群臣訪求皇裔於諸國迎天皇而  
立之其間或歷年月亦未可知正統記亦曰武烈崩

後二年空位其說為得但曰丁亥歲即位則其疎漏  
也據二十八年崩之說則二月無丁未且安開二月  
即位而正月遷都事理不通  
然今無所考正姑從舊文  
葬藍野陵延喜式曰攝津王島藍野  
追謚曰繼體天皇

安開天皇初禰勾大兄皇子繼體帝庶長子也母元  
妃尾張日子媛天皇墻宇凝峻不可得而窺寬大有  
人君之量繼體帝七年十二月立為皇太子二十五  
年二月七日丁未受繼體帝禪即天皇位是為勾大  
兄廣國押武金日天皇是日繼體帝崩大伴金村物  
部鹿鹿火為大連如故按本書元年載物部大連尾  
與為大連如故據之則尾與為大連蓋在此  
此時補任曰尾與初任年月未詳故不書



冬十二月五日庚子葬繼體天皇

元年甲寅春正月遷都于倭勾金橋因爲宮名三月  
六日戊子立妃春日山田皇女爲皇后納巨勢紗手  
媛杵香有媛物部宅媛三妃夏四月爲皇后定伊甚  
叱倉五月百濟遣使來貢冬十月十五日甲子敕大  
連金村曰朕不有嗣子萬歲之後無以傳名伯父宜  
爲之計金村奏曰王天下者不論有嗣無嗣要須因  
物爲名請爲三妃置叱倉以示後世從之以小巖田  
叱倉與每國田部賜紗手媛以櫻井叱倉與每國田  
部賜杵香有媛以難波叱倉與每郡鑲丁賜宅媛閩

十二月四日壬午行幸三島是月武藏人笠原使主  
與其族小杵爭爲國造小杵乞援于上乞野小熊欲  
殺使主使主走至京言狀敕以使主爲國造誅小杵  
使主獻橫濱橘花多氷倉標四所叱倉

二年乙卯春正月五日壬子詔曰聞者連年登穀接  
境無虞蒼生樂於稼穡黔首免於飢饉仁風暢乎宇  
宙美聲塞乎乾坤內外清通國家殷富朕甚欣焉可  
大輔五日夏四月丁丑朔置勾舍人部勾鞞部五月  
九日甲寅置筑紫穗波鎌豐國藤碕藤一本桑原肝  
等大拔我鹿火國春日部播磨越部牛鹿吉備後國



後城多禰來履葉推河音婀娜國膽殖膽年部阿波  
春日部紀國經湍河邊丹波蘇斯岐近江葦浦尾張  
間敷入鹿上毛野綠野駿河推贊屯倉秋八月乙亥  
朔詔諸國置犬養部九月十三日丙辰敕放牛於難  
波大隅島媛島松原冬十二月十七日己丑天皇崩  
于勾金橋宮年七十葬河內舊市高屋丘陵追謚曰

安閑天皇

宣化天皇初稱檜隈高田皇子按本書繼體紀檜隈高田皇子是為武小  
廣國排角尊欽明紀注亦稱檜隈高田天皇以宮名蓋稱之繼體帝第二子安閑  
帝同母弟也器宇清通神襟朗邁不以才能矜入安

閑帝二年十二月帝崩無嗣群臣上鏡劔于天皇遂

即天皇位是為武小廣國押角天皇正統記為是月

葬安閑天皇

元年丙辰春正月遷都于檜隈廬入野因為宮名二

月壬申朔大伴金村物部鹿鹿火為大連如故按物部  
與亦為大連如故蘓拔稻目為大臣阿倍火麻呂火  
說見安閑紀注大為大夫三月八日己酉立正妃橋仲皇女為皇后

秋七月大連物部鹿鹿火薨

二年丁巳新羅寇任那冬十月壬辰朔詔大連金村  
遣其子磐於筑紫備三韓狹手彥往任那救之



四年己未春二月十日甲午天皇崩于檜隈廬入野  
宮年七十三葬倭身狹桃花鳥坂上陵追謚曰宣化  
天皇

戊戌夏五月十九日謹書寫之

中村萬喜直衛

大日本史卷六終

大日本史卷七

本紀第七

權中納言從三位源光國修  
男權中納言從三位綱條校

欽明天皇

敏達天皇

用明天皇

崇峻天皇

欽明天皇繼體帝嫡子也母乎白香皇后帝愛之常  
居左右宣化帝四年二月崩群臣昏議奉天皇承繼



大統十月天皇令群臣曰余年少識淺未閑政事山  
田皇后明習百揆請就而決皇后謝曰妾蒙恩寵山  
海詎同萬機之難婦女安預方今皇子敬老慈少禮  
下賢者日中不食以待士人加以幼而穎敏早擅嘉  
聲天性寬和務存矜宥諸諸臣等速令皇子登位光  
臨天下十一月十七日丙寅葬宣化天皇十二月五  
日甲申天皇即位是為天國排闥廣庭天皇尊手白  
香皇后曰皇太后大伴金村物部尾輿為大連糠我  
稻目為大臣並如故舊事紀曰物部目為大臣而不  
載稻目公卿補任曰物部目雄  
畧十三年以後不見行事堯年未詳據  
之蓋舊事紀誤以稻目為物部目也

元年庚申按舊事紀為宣化帝在位三年故  
以去年己未紀元繆妄不足參取春正月  
十五日甲子以正妃石姬皇女為皇后二月百濟人  
已知部投化三月搬夷隼人並率眾歸附秋七月十  
四日己丑遷都倭磯城島謂之磯城島金刺宮八月  
高麗百濟新羅任那遣使貢獻召集秦人漢人等諸  
蕃投化者安置國郡編貫戶籍秦人戶數凡七十五  
十三以大藏椽為秦伴造九月五日己卯行幸難波  
祝津宮釋曰本紀引天書曰己卯行  
幸難波庚辰進幸祝津宮大伴金村物部  
尾輿許勢稻持等從焉遣使祭任江神賜民爵及帛  
各有差遣使以下天書



二年辛酉春三月納稚綾姬皇女日影皇女蘓我堅  
監媛小婢君春日糠子五妃古事記無稚綾姬日影  
皇女而有皇后妹小石  
四姬凡夏四月下詔百濟興復任那秋七月百濟上表  
奏任那事狀

四年癸亥秋九月百濟獻扶南貨財及奴二口冬十

一月遣津守連於百濟津守連名關齋詔書圖復任那

五年甲子春三月百濟上表陳復任那之策冬十二  
月越國上言肅慎人漂來佐渡島北御名部崎抄掠

島民

六年乙丑春三月遣膳巴提使於百濟夏五月百濟

遣使上表冬十一月巴提使還自百濟是歲高麗大  
亂

七年丙寅春正月三日丙午百濟使還賜良馬七十  
匹船十隻夏六月十二日癸未百濟獻調秋七月倭  
國今來郡上言有駿馬能超壑十八丈是歲高麗又  
亂

八年丁卯夏四月百濟將擊新羅復任那使使來請  
救兵因貢下部東城子言代德卒汶休麻那

九年戊辰春正月三日乙未百濟使請歸詔許遣兵  
九日辛丑高麗圍百濟馬津城夏四月三日甲子百



濟使來言馬津城之彼得高麗俘曰安羅與任那日本府勸高麗使之事已近實願少緩所賜援兵待臣再報遣之詔聞日本府與安羅不救隣難亦朕所疾也其曰通高麗朕所不命未可輕信王勿深疑懼依前敕戮力共防北敵各守封疆朕當遣若干人實安羅逃亡空地六月二日壬戌遣使百濟詔曰前使歸後消息何如朕聞汝國為狗賊所害宜共任那勸策同謀如前防距冬十月遣三百七十人於百濟助築城於得爾辛

十年己巳夏六月七日辛卯百濟使施德文貴回德

馬次文請還按本書諸本施德作將德久貴作文貴今據卜部兼永本及釋日本紀訂之又按久貴等來朝前因詔曰延那斯麻都按本書四年無所見蓋闕文斯佐魯麻都按本紀四年注二人名也陰通高麗朕當驗虛實所遣軍者依請停之

十一年庚午春二月十一日庚寅遣使於百濟本書注引

百濟本紀曰日賜矢三十具夏四月使還百濟王獻本使人阿比多高麗俘十六日乙未百濟使來獻高麗俘

十二年辛未春三月賜麥種一千斛於百濟是歲百濟王率其眾及新羅任那兵伐高麗復其故地遂取漢城平讓



十三年壬申夏四月箭田珠勝大兄皇子薨五月八日乙亥百濟加羅安羅使來請援兵奏曰高麗與新羅通和謀滅臣國與任那詔曰今百濟王安羅王加羅王與日本府臣等俱遣使奏狀宜共任那并心一力必蒙上天擁護之福亦賴可畏天皇之靈本書五年註曰西蕃皆稱日本天皇冬十月三日辛酉五字百濟遣使獻釋迦佛金銅像及幡蓋經論要記曰又獻彌勒石像一尺五寸觀音勢至像一尺上表讚述其功德天皇大喜欲禮之下議群臣蘓拔稻目稱善物部尾輿中臣鎌子同奏曰國家恒以祭天地社稷百八十神為事今拜蕃神則

恐致國神之怒乃賜佛像於稻目稻目捨向原家為寺是後諸國大疫久而愈多尾輿鎌子奏昔日不用臣言致此災害宜投棄佛像以補前過奏可余有司棄佛像於難波堀江遂燒伽藍於是大殿災是歲百濟棄漢城平壤新羅入居漢城

十四年癸酉春正月十二日乙亥百濟遣使請援夏五月河內言茅渚海大鳴光彩如日敕溝邊直闕名入海見之乃獲樟木命工造佛像二軀六月遣內臣闕名於百濟許敕因賜馬舩弓矢別敕宜使醫博士易博士曆博士逆蕃往來年月相代卜書曆本諸藥物亦



當付送秋七月四日甲子行幸樟勾宮勅遣王辰爾  
錄舩賦因爲舩長賜姓船史八月七日丁酉百濟遣  
使請援兵弓馬冬十月百濟王子餘昌與高麗戰大  
破之

十五年甲戌春正月七日甲午立皇子濟中倉太珠  
敷尊爲皇太子九日丙申百濟使至筑紫問救軍之  
數及發遣之期二月百濟使來連乞救兵因使德率  
東城子莫古代前蕃奈率東城子言五經博士王柳  
貴代固德馬丁安僧曇惠等九人代僧道深等七人  
別貢易博士施德王道良曆博士固德王保孫醫博

士奈率王有梭陀採藥師施德潘量豐固德丁有陀  
樂工施德王介季德已麻次季德進奴對德進陀皆  
依諸代之夏五月三日戊子遣內臣率舟師如百濟  
俱伐新羅冬十二月百濟上表奏捷獻其虜獲并好  
錦毼氍及芥三百口是月百濟聖明王爲新羅所殺  
於是新羅欲遂滅百濟然畏皇朝而止

十六年乙亥春二月百濟餘昌使其弟惠來告哀天  
皇聞而傷之遣使迎之慰問秋七月四日壬午遣大  
臣籾我稻目及穗積磐弓等告備五郡置白猪屯倉  
十七年丙子春正月百濟王子惠請歸多賜兵仗良



馬遣何倍臣佐伯連播磨直皆名發筑紫舟師護送

之別遣筑紫火君率勇士一千送至彌臣津守其要

害秋七月六日乙卯遣籙我稻目等於備前紀嶋郡

置屯倉以葛城山田瑞子為田令冬十月遣蘇我稻

目等於倭國高市郡置百濟人大身狹屯倉高麗人

小身狹屯倉本書註一本曰以處虎百濟人為大身

部因為屯倉狹屯倉田部高麗人為小身狹屯倉田

倉之號也紀國置海部屯倉

二十一年庚辰秋九月新羅貢調饗賜超例

二十二年辛巳新羅遣使貢調禮數減常尋復遣使

上前調賦于難波大郡掌客延居百濟之下使者怒

不入館還告其王於是新羅築城備我

二十三年壬午春正月新羅入寇任那官家毀之夏

六月下詔慰諭任那曰新羅西羗小醜遂注天無狀違

我恩義破我官家毒害我黎民誅殘我郡縣我氣長

足姬尊靈聖聰明周行天下勅勞郡庶愛育萬民哀

新羅之窮而全其王將戮之首授要害之地崇非次

之榮我氣長足姬尊於新羅何薄我百姓於新羅何

怨而今新羅長較強勢凌蹙任那鋸牙鈎爪殘虐含

靈剗肝斲脛不厭其狀曝骨焚屍不謂其酷任那百

姓窮刀極俎既屠且贈率土之濱共為王臣食入之



粟飲人之水豈忍坐聞之乎况夫嗣子大臣處跌夢  
之親泣血啣怨之寄當蕃屏之任摩頂至踵之恩世  
受前朝之德身居後代之位而不能瀝膽抽腸共誅  
斷逆雲天地之痛酷報君父之仇讎則臣子之道不  
成死而猶有遺恨秋七月己巳朔新羅貢調使至會  
新羅滅任那耻背國恩留而不歸是月遣大將軍紀  
男麻呂副將河邊瓊進討新羅問攻任那之狀新羅  
起兵拒戰擊破之既而瓊進輕進失利為新羅所虜  
調伊企儼死之八月遣大將軍大伴狹手彥率兵數  
萬伐高麗大破之獲婦女寶貨而歸兵國智聰負孺

釋方書明堂圖等百六十四卷佛像樂器相隨俱來

兵國以下  
姓氏錄

冬十一月新羅入貢使人又留而不歸

二十六年乙酉夏五月高麗人來歸居之山背

二十八年丁亥郡國大水饑人或相食詔轉傍郡穀  
相救

三十一年庚寅春三月甲申朔大臣蘇我稻日薨夏  
四月二日乙酉幸泊瀨柴籬宮越人上言高麗使人  
漂著海岸是月車駕至自泊瀨遣東漢糠兒葛城難  
波迎高麗使人五月遣膳頰子於越饗高麗使秋七  
月壬子朔高麗使至近江先是詔為高麗使起館於



山背相樂郡至是遣許勢猿吉士赤鳩裝船迎之入相樂館遣東漢坂上子麻呂錦部大石饗之

三十二年辛卯春三月五日壬子遣坂田耳子即君

於新羅賁問滅任那夏四月十五日壬辰天皇不豫

皇太子在外馳驛召之引入臥內執其手詔曰朕疾

甚以後事屬汝汝須征新羅建任那朕死而無恨是

月當作日皇年代畧天皇崩于內寢本書享年闕

畧記並曰六十二皇代紀曰六十三五月殯于河內

古市秋八月丙子朔新羅予使來拜殯宮九月葬檜

隈坂合陵追謚曰欽明天皇天皇幼時夢有人曰天

皇能寵秦大津父者及壯必有天下既寤使人旁求

于四方得之山背紀伊郡深州里天皇大喜問曰汝

有何異曰無但臣前行商伊勢比還山中見二狼相

鬪鱗血乃下馬盥漱告曰汝是靈物何為鹿暴儻逢

獵者必見擒獲為之流血拭毛遂放遣之天皇曰必

此報也令之近侍恩寵日渥至踐祚拜大藏省天皇

在位天下大風雨卜之賀茂神為崇乃涓四月吉日

祭之於是穀稼豐熟賀茂祭始于此天皇在位以下

公事根源年中行事引秦氏本系帳又壑關小田鉦

田按要記以天智帝丁卯歲為始誤嘗賑給米鹽於窮民其後每歲五月行之賑



給自此始公事根源

敏達天皇欽明帝第二子也母石姬皇后欽明帝十

五年立為皇太子本書為二十九年欽明三十二年紀係十五年今從之

四月欽明帝崩九月葬欽明天皇

元年壬辰夏四月三日甲戌皇太子即天皇位是為

淳中倉太珠敷天皇淳中古事記作淳中倉國音相近宮于百濟大井

尊皇后曰皇太后物部弓削守屋為大連如故本書

無守屋至此初見曰為大連如故則尾輿薨後既為

大連守補任亦曰初任未詳舊事紀物部大市御狩

大連公為以獲我馬子為大臣五月壬寅朔天皇於高麗使人久留遣群臣於相樂館檢調物達于京師六

### 月高麗副使殺大使

二年癸巳夏五月三日戊辰高麗使至越岸船破溺

死者眾朝廷以其數失路疑之使吉備難波送還其

國難波慮其有奸分船人二人乘高麗使船取高麗

使二人以置己船既浮海難波畏風浪投高麗使於

海而還

三年甲午秋七月二十日戊寅高麗使又來言二使

不歸之狀於是讓責難波抵罪冬十月九日丙申遣

大臣蘇我馬子於吉備國增白猪兒倉與田部十二

月新羅入貢



四年乙未春正月九日甲子立廣姬為皇后是月以  
春日老女君為夫人二月乙丑今推甲子是月無乙丑疑干支有誤百  
濟貢調數倍常年天皇以任那未建為憂詔諸皇子  
大臣務使勿懈夏四月六日庚寅使吉士金子於新  
羅吉士木蓮子於任那吉士譯語彥於百濟六月新  
羅貢調數益常例并獻多多羅須奈羅和陀發鬼四  
邑之調冬十一月皇后崩是歲詔上海部王絲井王  
宅地為宮舊事紀絲作照即吉因營宮於譯語田謂之幸玉  
宮按皇年代畧記皇代畧紀營宮為六月歷代皇紀元年即位日遷都於磐余皆誤  
五年丙申春三月十日戊子立豐御食炊屋姬尊為

皇后

六年丁酉春二月甲辰朔詔置日記部私部夏五月  
五日丁丑遣大別王及小黑吉士宰於百濟命為使三韓自稱為宰言宰於韓蓋古之典乎如今言使冬十一月庚午朔大別  
王等歸百濟王就獻經論若干卷并律師禪師比丘  
尼咒禁師佛工寺工詔置之難波大別王寺  
七年戊戌春三月五日壬申以菟道皇女侍伊勢祠  
坐事而罷  
八年己亥冬十月新羅貢調并獻佛像  
九年庚子夏六月新羅貢調卻之



十年辛丑春閏二月蝦夷數千寇於邊境因召其魁師綾糟等責之綾糟等大恐謝罪誓不復反

十一年壬寅冬十月新羅貢調又卻之

十二年癸卯秋七月丁酉朔詔遣紀國造押勝吉備

海部羽島千百濟召日羅冬十月押勝等還曰百濟

王不聽於是復使羽島彊召之羽島遂以日羅歸

十三年甲辰春二月八日庚子遣難波木蓮子使於

新羅遂如仕那秋九月鹿深臣佐伯連其名至自百

濟各齋佛像一軀蘓我馬子造殿安之佛法自茲瀰

漫

十四年乙巳春二月疫疾流行民多死三月丁巳朔

大連物部弓削守屋奉詔燒佛像塔殿棄餘像於難

波掘江天皇欲速建任那差坂田耳子王為使會天

皇及大連守屋患瘡而不果於是詔皇弟橘豐日皇

子曰莫違先皇遺教以復任那為事是時京師患瘡

死者甚多民間相謂曰是燒佛像所致也夏六月馬

子依病請奉三寶天皇素好文史不信佛法詔馬子

曰汝獨為之勿惑他人秋八月十五日己亥天皇崩

於大殿本書享年闕正統記建仁寺年代記曰六十

十八未知孰是水鏡起殯宮於廣瀨崇峻帝四年葬

愚管鈔二十四誤



磯長陵延喜式曰河內磯長中尾陵追謚曰敏達天皇

用明天皇初稱大兄皇子欽明帝第四子也母蘇我

堅鹽媛天皇常尊神道信佛法敏達帝十四年八月

崩九月五日戊午天皇即位是為橘豐日天皇都于

磐余謂之池邊雙槻宮蘇我馬子為大臣物部弓削

守屋為大連如故十九日壬申以酢香手姬皇女侍

伊勢神宮

元年丙午春正月壬子朔立穴穗部間人皇女為皇

后納蘇我石寸名為嬪夏五月穴穗部皇子陰謀不

軌殺三輪逆

二年丁未夏四月二日丙午新嘗於磐余河上天皇

得病還宮詔群臣曰朕欲歸三寶卿等議之物部守

屋中臣勝海不可蘇我馬子贊成詔旨皇弟皇子按

弟不知何人本書注為穴穗部皇子然引豐國法師

入宮於是守屋馬子怨隙滋甚守屋勝海聚兵自守

迹見赤檮殺勝海天皇患瘡大漸九日癸丑崩於大

殿本書享年闕正統記建仁寺年代記倭漢合符並

葬磐余池上陵推古帝元年改葬河內磯長陵延喜式曰

河內磯長原陵古事記曰御陵追謚曰用明天皇

崇峻天皇欽明帝第十二子也按舊事紀聖德太子

傳愚管鈔皇年代畧



記帝王編年記為第十五子皇紀第十六  
子要記第六子水鏡正統記與本書合  
母蘇我小  
姊君天皇性剛急不容人非天皇以下聖用明帝二  
年四月崩五月大連物部守屋謀立穴穗部皇子事  
發覺六月七日庚戌大臣蘇我馬子奉炊屋姬皇后  
詔使佐伯丹經手聖德太子傳作佐土師磐村的真  
啣討穴穗部皇子誅之八日辛亥誅宅部皇子七月  
馬子與天皇及諸皇子群臣率軍討守屋大戰敗之  
守屋伏誅跡見赤檮以射殺守屋賜田一萬頃二十  
一日甲午葬用明天皇八月二日甲辰炊屋姬皇后  
與群臣定策勸進天皇即位是為泊瀨部天皇古事記作

長谷部 蘇我馬子為大臣如故宮于倉梯古事記曰  
若雀 是歲百濟貢調

元年戊申春三月立大伴小手子為妃是歲百濟貢  
調獻佛舍利及僧慧總等九人寺工鑪盤工尾工畫  
工

二年己酉秋七月壬辰朔遣近江滿於東山道聖德太子  
傳滿穴人雁於東海道阿倍枚吹於北陸道枚吹二  
作滿德太子觀察國境字據聖

四年辛亥夏四月十三日甲子葬敏達天皇秋八月  
庚戌朔詔群臣議建任那冬十一月四日壬午本書



二月己卯朔壬午今推甲子十一月己卯朔以紀男  
壬午四日也聖德太子傳作十一月為得  
麻呂巨勢比良夫狹臣聖德太子傳作巨勢臣大伴  
啗葛城烏奈良為大將軍後任那率兵二萬餘屯筑  
紫遣吉士磐金於新羅磐金本書無磐字吉士木蓮  
子於任那察問二國

五年壬子冬十月四日丙子人或獻山猪天皇指之  
曰何時如斷此猪頸斷朕所惡之人因多備兵仗大  
臣馬子聞而懼遂謀弑逆十一月三日乙巳天皇崩  
本書享年闕水鏡正統記皇代紀要記並曰七十是  
二紹運錄皇年代畧記皇紀七十三未知孰是  
日葬倉梯岡陵五日丁未馳驛筑紫告將軍紀男麻

呂等曰勿以內亂急於外事追謚曰崇峻天皇



天保九戊戌年夏五月二十一日謹書寫之

中村萬喜直衛

大日本史卷八

本紀第八

權中納言從三位源光圀修  
男權中納言從三位綱條校

推古天皇

舒明天皇

皇極天皇

推古天皇初稱額田部皇女欽明帝女用明帝同母  
妹也容色端麗進止有度敏達帝五年立爲皇后及  
崇峻帝崩群臣請皇后踐祚皇后辭讓百寮上表勸



進至三乃從十二月八日己卯即天皇位於豐浦宮  
是為豐御食炊屋姬天皇按本書十八歲立為皇后三十四歲敏達帝崩三十九歲崇峻帝為馬子所弒今以敏達五年為十八歲推之則敏達崩年推古二十七歲也至崇峻崩推古即位實三十四歲也前後年紀自相反故今不書又天皇崩下註曰七十五是亦少一年矣皇代畧紀曰欽明帝十七年丙子誕生敏達帝五年為皇后十年今從丙子歲數之則敏達五年實二十一歲也亦矛盾皇年代畧記丙子歲生二十一歲為皇后三十歲即位此說為得而未知生年何據水鏡愚管鈔帝王編年記以即位年稊拔馬子為大臣如故補任為三十八歲蓋差一年  
元年癸丑夏四月十日己卯立豐聰耳皇子為太子攝行萬機秋九月改葬用明天皇是歲創四天王寺於難波荒陵

二年甲寅春二月丙寅朔詔皇太子及蘇我馬子興隆佛教於是群臣競造佛寺

三年乙卯夏五月十日丁卯高麗僧慧慈來百濟僧慧聰尋來大弘佛教秋七月將軍紀男麻呂等至自筑紫

四年丙辰冬十一月法興寺成以稊拔善德為寺司  
五年丁巳夏四月丁丑朔百濟王遣其子阿佐朝貢  
冬十一月甲子今推干支是月癸酉朔無甲子子蓋午字訛遣難波磐金

於新羅

六年戊午夏四月磐金至自新羅獻鵲二隻秋八月



己亥朔新羅獻孔雀一隻冬十月十日丁未越國獻白鹿

七年己未夏四月二十七日辛酉地動屋舍悉壞令四方祭地神秋九月癸亥朔百濟貢駱駝驢羊白雉八年庚申春二月新羅與任那戰天皇欲救任那以境部臣爲大將軍穗積臣爲副將軍境部臣穗積臣各闕將萬餘衆擊新羅大破之拔其五城新羅歸其侵地乞降天皇復遣使新羅任那檢問其狀於是二國貢調新羅上言誓以二國寢兵每歲必朝因召還諸將比至新羅又侵任那

九年辛酉春三月五日戊子遣大伴噲於高麗坂本糠手於百濟救任那夏五月天皇居耳梨行宮是時大雨河水汎濫秋九月新羅謀者至對馬捕之流于上野冬十一月五日甲申議討新羅

十年壬戌春二月己酉朔以來目皇子爲征新羅將軍率兵二萬五千討新羅夏六月三日己酉大伴噲坂本糠手還自百濟來目皇子病不果行冬十月百濟僧勸勒來貢曆及天文地理遁甲方術等書敕選書生受業閏十月十五日己丑高麗僧僧隆雲聰來歸



十一年癸亥春二月四日丙子來目皇子薨於筑紫  
夏四月壬申朔以當麻皇子爲征新羅將軍會喪  
而不果冬十月四日壬申天皇遷小墾田宮十二月  
五日壬申始定冠位十二階

十二年甲子春正月戊戌朔賜冠位於諸臣有差夏  
四月三日戊辰皇太子撰憲法十七條秋九月改制  
朝禮

十三年乙丑夏四月辛酉朔詔皇太子及群臣同發  
誓願始造銅繡丈六佛像各一以鞍作鳥爲佛工高  
麗王聞之獻黃金三百兩閏七月己未朔皇太子命

諸王諸臣著禮

十四年丙寅夏四月八日壬辰安丈六銅佛於元興  
寺設齋自是以四月八日七月十五日爲諸寺齋會  
著爲永式秋七月令皇太子講勝鬘經法華經

十五年丁卯春二月庚辰朔定壬生部九日戊子詔  
曰朕聞我皇祖天皇之馭世躋天躋地敦禮神祇徧  
祭山川幽通乾坤是以陰陽開和造化調變方今當  
朕躬豈有怠祭祀群臣相共竭心宜拜神祇十五日  
甲午皇太子及大臣馬子率百寮以祭神祇秋七月  
三日庚戌遣大禮小野妹子於隋鞞作福利爲譯書



自是以下皆書唐舊事紀據此為遣唐之始按是  
年隋大業三年隋書亦載我遣使明年遣裴世清來  
皆與本書合二十六年書隋為得神皇正統記亦稱  
遣隋大使故今悉改書隋又按聖德太子傳及隋書  
其書謂日出處天子致書日 是冬 聖德太子傳  
後處天子無恙書以備考 作高市池藤原池菅原池  
三立山田劍三池  
九七 山背鑿粟隈溝河內作戶河池依綱池 聖德太  
有大津安宿 每國置祀倉  
二池九四所

十六年戊辰夏四月小野妹子還自隋隋使裴世清  
從妹子來至筑紫遣難波雄成迎之造新館於難波  
六月十五日丙辰世清至難波津以飾舩三十艘迎  
入新館以中臣宮地麻呂大河內糠手船王平為掌

客秋八月三日癸卯世清入京遣額田部比羅夫率  
飾騎迎於海石榴市十二日壬子世清詣闕阿倍鳥  
物部依網抱扶導世清陳國信于中庭世清再拜奉  
書奏使旨而立其書曰皇帝問倭皇使人長吏大禮  
蘇因高等至具懷朕欽兼寶命臨仰區宇思弘德化  
覃被含靈愛育之情無隔遐邇知皇介居海表撫寧  
民庶境內安樂風俗融和深氣至誠遠修朝貢丹款  
之美朕有嘉焉稍暄比如常也故遣鴻臚寺掌客裴  
世清等稍宣往意并送物如別十六日丙辰饗世清  
等于朝九月五日乙亥又饗于難波十一日辛巳世



清等歸後以妹子爲大使難波雄成爲小使與世清  
俱往復書曰東天皇敬白西皇帝使人鴻臚寺掌客  
裴世清等至久憶方鮮季秋薄冷尊如何想清念此  
即如常今遣大禮蘇因高大禮乎那利等往謹白不  
具是時學生留學僧凡八人相從入隋是歲新羅人  
多校化舊事紀曰是年以物部論  
姬大刀自目連公爲參政  
十七年己巳夏四月四日庚子百濟僧俗八十五人  
漂泊肥後葦北津令難波德摩呂船龍送歸秋九月  
小野妹子等至自隋  
十八年庚午春三月高麗貢僧曇徽法定曇徽通五

經且善畫造紙墨碾磴冬十月九日丁酉新羅任那  
朝貢賜使者物有差

十九年辛未夏五月五日己丑天皇藥獵于菟田野  
秋八月新羅任那貢獻

二十年壬申春正月七日丁亥置酒宴群臣二月二  
十日庚午改葬皇太夫人堅鹽媛於檜隈坂合陵側

夏五月五日癸未藥獵于羽田  
二十一年癸酉冬十一月作掖上畝傍和珥三池難  
波至京大開道路

二十二年甲戌夏五月五日壬寅藥獵六月十三日



已卯遣大上御田鍬矢田部造於隋矢田部造名闕舊事紀曰以大  
仁矢田部御孺為大使大禮大上御田鍬為小使又按舊事紀是日物部志佐古為大連  
二十三年乙亥秋九月御田鍬等還自隋百濟使從  
之來

二十四年丙子春正月桃李實秋七月新羅貢佛像  
是歲掖玖人來掖玖一作夜句

二十五年丁丑夏六月出雲言神戶郡生仇大如击  
是歲五穀登

二十六年戊寅秋八月癸酉朔高麗貢調因獻與隋  
戰所獲俘虜器械及駱駝

二十七年己卯夏四月四日壬寅近江言蒲生河有  
物形如人秋七月攝津言漢父下畧堀江獲物形如  
嬰兒

二十八年庚辰舊事紀載三月甲子制奉為君后詔不忠者奉為考妃稱不孝者若不舉達而隱之者同處其罪重科形法亦疑非舊本之文故不取秋八月掖玖人漂泊

伊豆島冬十月修檜隈陵十二月庚寅朔天有赤氣  
長一丈餘形似雞尾雞本書作確今從聖德太子傳是歲皇太子與

大臣籙我馬子議錄天皇記臣連伴造國造百八十  
部公氏等本記舊事紀曰二月甲辰皇太子籙我馬子奉勅錄先代舊事天皇紀餘與本  
書之文同據之是歲所撰書所謂舊事紀乎其書  
亡矣今世所行舊事紀據據其殘缺傳會而成一書



也

二十九年辛巳春二月皇太子薨

本書曰癸巳薨推甲子癸巳五日也

據高麗僧慧慈戒以來年二月五日必死之語本書

為五日無疑而法王帝說所載法隆寺金堂釋迦佛

銘文及聖德太子傳神闕記皆云二月二十二日薨

水鏡紹運錄一代要記編年記亦為二十二年然法

王帝說補闕記係壬午歲與本書差一年平氏所撰

聖德太子傳不書日且云或說壬午年者誤也今天

王寺聖靈會修忌在二十二日則諸書十二月二十

為是而本書所書亦不容疑故不日

一日癸酉元穗部間人皇后崩法王帝說引法是歲

新羅貢調始上表

三十一年癸未秋七月新羅任那貢調獻佛像金塔

舍利大小幡等以佛像置葛野秦寺其餘置四天王

寺此時唐僧慧齊慧光醫慧日福因等從來新羅彼

擊任那取之天皇召群臣議計新羅田中臣名曰不

可急討先察其狀而後征之未晚也請試遣使覘之

中臣國曰任那元是我內官家今新羅伐而有之請

速發戒旅征討新羅而復任那以屬百濟豈不愈於

使新羅取之乎田中臣曰不然百濟反覆之國素多

奸詐九其所請非理何以任那與之於是遣難波磐

金於新羅吉士倉下於任那察問其狀新羅服命因

約歸任那為內官家乃使新羅人從磐金任那人於

倉下貢二國調方磐金等未歸朝廷以大德境部雄



麻呂小德中臣國為大將軍小德河邊禰受物部依  
網乙等波多廣庭近江脚身飯蓋平群宇志大伴連  
名大宅軍為副將軍率兵數萬以討新羅新羅恐怖  
請罪釋之冬十一月警金等至自新羅是歲自春至  
秋霖雨大水五穀不登

三十二年甲申夏四月戊申

今推本年月日干支悉是三十一年也當移在

三十一年然本書及諸書皆別為三十二年故不遽改姑存舊云

有僧執斧毆祖父

天皇召大臣詔曰夫出家者歸三寶具戒法何無慚  
忌輒作惡逆乃索諸寺僧尼違法者將重罪之百濟  
僧觀勒上表請罪其大惡而赦其餘聽之戊午詔曰

夫僧尚犯法何以誨俗自今以後宜置僧正僧都檢

校僧尼壬戌以勸勒為僧正鞍作部德積為僧都阿

曇連

名

為法頭秋九月丙子申校寺及僧尼具錄造

寺入道之緣得度之年月日是時有寺四十六所僧  
八百十六人尼五百六十九人冬十月癸卯朔蘇我  
馬子奏請賜葛城縣為封戶詔曰今朕獲我氏之出  
而大臣則朕舅也大臣之言夜則不俟明日則不至  
昏無言不從而今遽失此縣後世之君必言愚婦謬  
臨天下苟亡縣邑豈獨朕不賢耶大臣亦蒙不忠之  
名遂不聽



三十三年乙酉春正月戊寅本書曰春正月壬申朔  
蓋誤三十二年為三高麗貢僧慧灌元亨釋書曰是  
十三年今姑從舊文歲夏旱附以備

三十四年丙戌春正月桃李華三月預霜夏五月二  
十日丁未大臣獲拔馬子薨六月雪三月至七月霖  
雨天下大饑盜賊蜂起是歲以獲拔蝦夷為大臣是

以下補任愚  
管鈔要記

三十五年丁亥夏五月有蠅聚集可十丈音如雷越  
信濃坂東至上野而散

三十六年戊子春二月二十七日甲辰天皇不豫三

月二日戊申日有食之既六日壬子大漸召田村皇

子謂曰登天位而經綸鴻基臨萬機以亭育黎元取

繫惟重非可輒言汝慎察之勿敢易言又召山背大

兄王曰汝年尚稚難有志望慎勿言宜待群言而從

之七日癸丑天皇崩本書註時年七十五水鏡紹運

鈔要記並曰七十三古事記曰參拾添歲蓋添與參

倒置今從丙子歲生筭之則實為七十三從十八歲

立為皇后之文則七遺詔曰比年五穀不登百姓大

飢勿起山陵以厚葬事當葬竹田皇子塋於是殯于

南庭四月辛卯雨雹大如桃子壬辰本書曰夏四月

子四月丁丑又雨雹春夏連旱九月戊子群臣始行

朔蓋有錯誤



喪禮各誅殯宮壬辰葬竹田陵本書曰秋九月己巳  
已朔無戊子壬辰必有錯誤凡書葬地不日而書於  
嗣帝紀然當是時皇嗣未定無所係屬故書于此按  
古事記御陵在大野園上後遷科追謚曰推古天皇  
長太陵延喜式曰磯長山田陵  
舒明天皇初稱田村皇子押坂彥人大兄皇子之子  
敏達帝之嫡孫也母糠牛姬皇女推古帝三十六年  
三月崩天皇屬在元嗣且兼遺詔山背王亦以為受  
旨有意踐祚於是嗣位未定大臣蘇我蝦夷大會群  
臣議定所立僉曰當從遺詔立田村皇子唯境部摩  
理勢等固欲奉山背王群議久之不決蝦夷遂殺摩  
理勢與群臣定策翊戴天皇

元年己丑春正月四日丙午蝦夷率群卿百官上天  
皇璽天皇辭曰宗廟重事也寡人不賢何敢當焉群  
臣固請曰大王先朝鍾愛幽顯屬心宜纂皇統光臨  
億兆是日遂即天皇位是為息長足日廣額天皇蘇  
我蝦夷為大臣如故夏四月辛未朔遣田部連於掖  
秋田部連  
名嗣  
二年庚寅春正月十二日戊寅立寶皇女為皇后蘇  
我法提郎媛為夫人三月丙寅朔高麗百濟貢獻秋  
八月五日丁酉遣大仁大上御田鍬大仁醫慧日於  
唐九月田部連至自掖秋冬十月十二日癸卯天皇



遷飛鳥園側謂之園本宮是歲修難波大郡及三韓館

三年辛卯春二月十日庚子掖玖人歸化三月庚申朔百濟王義慈納其子豐璋爲質秋九月十九日乙亥行幸攝津有間温湯冬十二月十三日戊戌還宮四年壬辰秋八月唐使高表仁送御田鍬等至對馬入唐留學僧及新羅送使從之冬十月四日甲寅遣大伴馬養盛飾舟楫迎高表仁入難波館

五年癸巳春正月二十六日丙辰高表仁等歸國使

吉士雄麻呂黑麻呂闕姓送至對馬

六年甲午秋八月彗星見南方

七年乙未春正月彗星又見東方夏六月十日甲戌百濟朝貢秋七月瑞蓮生于劔池

八年丙申春正月壬辰朔日有食之三月按野采女者皆抵罪夏五月霖雨大水六月園本宮災天皇遷田中宮是歲大旱天下飢

九年丁酉春二月二十三日戊寅大星流西有聲如雷三月二日丙戌日有食之是歲蝦夷反大仁上屯野形名爲將軍討平之

十年戊戌秋七月十九日乙丑大風折木發屋九月



霖雨秘李華冬十月行幸有馬温湯是歲百濟新羅  
任那並貢調

十一年己亥春正月八日壬子車駕至自有間十一

日乙卯新嘗以在在間故延及此按類聚國史以清

祭之始本書新嘗字始見于用明帝二年四月公事

根源以此為始而此後絕無至此曰去年十月幸温

湯故延至此據之則十一月新嘗既為永式可知矣故此後不書

而雷二十二日丙寅大風雨二十五日己巳長星西

北見秋七月造大宮及大寺於百濟川上九月新羅

遣使送入唐留學僧慧隱慧雲至京冬十一月庚子

朔饗新羅使于朝賜冠位一級十二月十四日壬子

行幸伊豫温湯按萬葉集為九是月建九層塔於百

濟川上

十二年庚子春二月七日甲戌星入月夏四月十六

日壬午車駕還自伊豫居厩坂宮五月五日辛丑大

設齋會使僧慧隱說無量壽經冬十月十一日乙亥

入唐學生高向玄理學僧清安還至新羅百濟新羅

朝貢使從之共來賜二國使爵各一級是月天皇遷

百濟宮要記曰是歲始定斗外介

十三年辛丑冬十月九日丁酉天皇崩于百濟宮本

書年闕紹運錄愚管鈔正統記皇代畧記要記并曰  
即位年三十七崩年四十九水鏡曰即位年四十九



未知孰是十八日丙午殯於宮北葬滑谷岡後改葬押坂  
延喜式曰稱高市天皇  
天皇初居岡本宮在大和  
押坂內陵蓋因此稱之也  
追謚曰舒明天皇

皇極天皇初稱寶皇女押坂彥人大兄皇子孫弟濟  
王之女也母吉備姬王天皇初適用明帝孫高向王  
而生漢皇子後舒明帝納焉即位二年立為皇后十

三年十月帝崩

要記一說舒明帝  
臨崩禪位於皇后

元年壬寅春正月十五日辛未皇后即天皇位是為  
天豐財重日足姬天皇竊殺蝦夷為大臣如故天皇  
督遵古道綜理萬機然蝦夷子入鹿自專國政威權

過父是月百濟吊喪使來二月六日壬辰高麗貢獻  
二十二日戊申詔遣津守大海於高麗勝水雞於百  
濟草壁真跡於新羅坂本長兄於任那二十四日庚  
戌召百濟王第子翹岐于其國三月三日戊午無雲  
而雨六日辛酉新羅賀登極使及吊喪使來夏四月  
八日癸巳百濟翹岐入朝霖雨踰月不止五月五日  
己未召翹岐令觀射獵十八日壬申百濟貢調國勝  
水雞還自百濟是月稻熟六月大旱秋七月九日壬  
戌客星入月二十七日庚辰大臣蝦夷以百姓大雩  
無應聚僧大寺讀大乘經燒香自禱亦無驗八月甲



申朔天皇行幸南淵河上跪拜四方仰天而祈雷雨  
忽至遂雨五日遍于郡國百姓呼萬歲稱曰至德天  
皇十三日丙申授小德於百濟質人達率長福位一  
級於中客以下賜物各有差九月三日乙卯詔大臣  
蝦夷曰朕欲造百濟大寺宜發近江越之丁復課諸  
國造舩船十九日辛未以將營宮室下詔諸國限十  
二月取材發丁東至遠江西至安藝二十一日癸酉  
越境蝦夷數千相率內附冬十月八日庚寅地震九  
日辛卯又震二十四日丙午又震是月無雲而雨十  
二月十三日甲午始行舒明帝喪事二十一日壬寅

葬舒明天皇是日天皇權遷于小墾田宮是冬數雷  
雨暖煦如春

二年癸卯春正月壬子朔五色雲竟天青霧起於地  
十日辛酉大風二月二十五日乙巳雨雹三月十三  
日癸亥百濟客館災延及民家二十五日乙亥隕霜  
傷草木是月雨雹風雷屢作夏四月七日丙戌大風  
二十日己亥雨雹凍寒人襲綿衣二十一日庚子太  
宰奏百濟貢調使至二十五日甲辰本書甲辰條有  
丁未下今推于  
支訂近江言雨雹徑一寸許二十八日丁未天皇遷  
于飛鳥板蓋新宮六月十三日辛卯大宰奏高麗貢



調使來秋七月三日辛亥遣入於難波檢百濟貢獻  
責其數減常茨田池水大泉至八月其色如藍九月  
六日壬午改葬舒明天皇十一日丁亥皇祖母吉備  
島命薨釋日本記以吉備島為茅渟王母小磐田皇  
女而無確據今按天皇母曰吉備姬則吉備  
島蓋其母而天十七日癸巳詔土師猪手視喪事皇  
祖母初寢病以至發喪天皇不去牀側視養無倦十  
九日乙未葬皇祖母於檀弓園是日雨雹冬十月三  
日己酉賜饗群臣議授位事遂詔國司曰今遵前敕  
無所改變各之其任慎爾所治十一月蘇我入鹿謀  
立古人犬兄皇子遣巨勢德太古土師猪手襲山背

大兄王等王及子弟妃妾自經而死

三年甲辰春三月倭國言荒田山紫芝生夏六月癸  
卯朔大伴長德獻百合花莖異末合六日戊申劍池  
生蛇頭蓮

四年乙巳春正月京師有物殷如猿就之不見其形  
夏六月十二日戊申三韓獻調天皇御大極殿中大  
兄皇子與中臣鎌足蘇我倉山田石川麻呂等相謀  
誅蘇我入鹿于朝天皇大驚中大兄皇子奏其故天  
皇起入內寢使人賜入鹿屍於又蝦夷蝦夷亦伏誅  
十四日庚戌天皇讓位於輕皇子令以中大兄皇子



爲儲貳

天保九戊戌年夏五月二十四日護書寫之

中村萬喜直道

大日本史卷八終

大日本史卷九

本紀第九

權中納言從三位源光圀修  
男權中納言從三位綱條校

孝德天皇

齊明天皇

孝德天皇初稱輕皇子皇極帝母弟也皇極帝四年  
六月十四日庚戌授璽天皇令踐祚天皇讓古人火  
兄皇子皇子固辭入法興寺爲僧於是天皇升壇即  
位是爲天萬日天皇是日尊皇極帝曰皇祖母尊立



中大兄皇子爲皇太子罷大連始置左右大臣及內  
臣罷大連以下公卿補任延喜式以阿倍倉梯麻呂爲左大臣糠  
倉山田石川麻呂爲右大臣鎌足爲內臣特下恩詔  
於鎌足授大錦冠以高向玄理僧旻爲國博士十五  
日辛亥賜金策左右大臣賜本書一說十九日乙卯天  
皇奉皇祖母尊盟皇太子及群臣於大槻樹下告天  
神地祇曰天覆地載帝道唯一末代澆薄君臣失序  
皇天假手於我誅殄暴逆今共瀝心血自今以後君  
無二政臣無貳朝若貳此盟天災地妖鬼誅人伐蛟  
如日月乃紀是歲爲大化元年年號始起于此按濫

二中歷和漢合符建仁寺年代記茲曰繼體帝時始  
建年號曰善記而舊史無所見故不取

大化元年乙巳秋七月二日戊辰立間人皇女爲皇  
后阿倍小足媛糠杖乳娘爲妃十日丙子高麗百濟  
新羅來貢百濟使兼任那使事巨勢德太古宣詔百  
濟使責進調有闕卻之遣三輪粟隈東人馬飼造名  
觀察任那國界十二日戊寅詔左右大臣曰當遵上  
古聖王之迹而治天下不失信於民十三日己卯詔  
左右大臣曰歷問大夫及百伴造以使民之道十四  
日庚辰右大臣石川麻呂奏先祭神祇而後議政事  
於是遣倭漢枚夫於尾張忌部子麻呂於美濃謀供



神之幣八月五日庚子任東國國司詔群國司曰凡  
國家所有公民大小所領人衆皆作戶籍校田畝其  
園池水陸之利與百姓共之國司等在國不得專判  
罪及受賄而苦下民其朝京師不得多發民以自隨  
唯得從國造郡領若有王事則食部內粟騎部內馬  
介已上能奉法者必須褒賞其違法者當降爵位判  
官已下有犯贓倍而徵之以輕重斷其長官從者九  
人次官從者七人主典從者五人若有過限其主與  
從者並當科罪或有元非國造伴造縣指置而詐言  
自戒祖領此官家治此郡縣者國司不得輒奏審得

實狀而後上奏又造兵庫於間曠地收蓄其國郡刀  
甲弓矢邊塞鄰蝦夷者宜檢閱其兵而假授本主其  
如倭國六縣乃遣使者造戶籍校田畝本書注謂檢  
及民戶汝國司等勦旃賜帛布各有差是日設鐘及  
口年紀匱於朝詔曰凡憂訖之人有伴造者則伴造先議而  
後奏有尊長者則尊長先議而後奏如伴造尊長不  
審所訴則納牒于匱昧爽有司執而上之朕親記歲  
月與郡卿共議官司或懈怠不理阿黨枉撓則當撞  
鐘其使天下之民咸知朕意又詔立男女之法良男  
良女所生則配其父良男娶婢所生則配其母良女



嫁奴所生則配其父兩家奴婢所生則配其母允僧  
寺仕丁之子如良人法若別入奴婢者如奴婢法今  
廣示衆以為制始九月丙寅朔遣使諸國治兵本書註六  
月至九月遣使四方集諸兵器三日戊辰古人皇子謀反十二日丁  
丑吉備笠垂自首于皇太子本書註笠垂告阿使  
田朴室古高麗宮知將兵討之古人皇子伏誅本書註十  
一月甲午晦皇太子命阿倍孫曾倍佐十九日甲申  
伯部子麻呂將兵攻古人大兄斬之  
遣使諸國錄戶口詔曰自古以降歷世天皇必置標  
代民垂名於後其臣連伴造國造等亦各置已民縱  
晴驅使割國縣山海林野池田以為已有事戰不已

或兼并數萬頃田或無立錐之地及進調賦臣連伴  
造等先自收歛然後分進修治宮殿築造園陵各率  
已民隨事而作易曰損上益下節以制度不傷財不  
害民方今百姓猶乏而有勢者分割水陸以為私地  
賣與百姓年索其價從今以後不得賣地勿妄作主  
兼并劣弱於是百姓大悅冬十二月九日癸卯遷都  
難波長柄豐碕是歲自春至夏大倭鼠徙于難波  
二年丙午春正月甲子朔賀正禮畢公事根源曰元  
武帝元年正月至此又見可以為朝拜之原始按白  
雉元年天皇觀白雉儀衛如元會然則元會之儀至  
此既備也然本書此後或書或不書天武帝四年正  
月朔書百寮拜朝十一年十三年並書皆正月二日



也或有故延至二日或有故宣新制之詔其一罷前  
停禮故書與不書一從舊文代所置子代之民處處屯倉及臣連伴造國造村首  
所有部曲田莊賜大夫以上食封官人百姓布帛各  
有差曰大夫所使治民也能盡其治則民賴之故重  
其祿所以爲民也其二初修京師置畿內國司郡司  
關塞乍候防人驛傳造鈐契界山河京每坊置長四  
坊置令按檢戶口督察奸非定郡大中小置大領少  
領主政主帳其三造戶籍制班田收授之法置里長  
定田畝其四罷舊賦役行田之調立出兵馬仕丁貢  
采女之制是月行幸子代離宮

本書注壞難波狹屋部邑子代屯倉以起

行宮遣使郡國修兵庫擬夷率服二月十五日戊申天  
皇御宮東門使右大臣石川麻呂宣詔曰朕聞明哲  
之馭民也懸鐘於闕而觀百姓之憂作屋於衢而聽  
行路之謗雖芻蕘之言親問爲師由是朕前下詔曰  
古之治天下朝有進善之旌誹謗之木以通治道而  
來諫者皆所以廣詢于下也管子曰黃帝立明堂之  
議者上觀於賢也堯有衢室之問者下聽於民也舜  
有告善之旌而主不蔽也禹立建鼓於朝而備訊壑  
也湯有總術之廷以觀民非也武王有靈臺之囿而  
賢者進也此故聖帝明王之所以有而勿失得而勿



也也按管子明堂作明臺建鼓作諫鼓訊望作訊唉  
總術作總街之圓作之後此故作此古勿亡作  
勿忘蓋本書轉寫是故懸鐘設匱使憂諫者得以奏  
之訛今不輒改

諸置收表官每且上之朕親審察以示群卿使使勤  
當庶無留滯若群卿懈怠不勤或阿黨比周朕亦不  
能聽諫則憂訴之人當撞鐘詔已如此既而有民明  
直切諫陳疏納於匱中故今顯示集在黎民其表俾  
民緣國事至京者官司雷之充雜使朕甚憫焉遷都  
未久有似賓旅不得已而役之每念及此未嘗安寢  
今觀此表嘉歎不已故從其言而罷處處雜役且前  
詔曰諫者題名而今匿其名明知此人非求利而為

國也然宜明題名諫朕廢忘又詔集在國民所訴今  
將親決之其勿退散悉聚於朝高麗百濟任那新羅  
朝貢二十二日乙卯至自子代離宮三月二日甲子  
詔東國園司等曰夫君於天地之間而宰萬民者不  
可獨制須假輔翼是以歷世皇祖每與卿祖考共治  
朕亦欲蒙神權護共卿等治前使良家大夫治東方  
八道既而國司之任六人奉法二人違令毀譽各闢  
朕美彼奉法疾此違令凡欲致治者若君若臣當先  
正己而後正人如不自正何能正人可不慎哉十九  
日辛巳詔東國朝集使等曰去年八月朕親誨曰莫



籍官勢取公私物宜各食部內之粟乘部內之馬若  
違所誨者次官以上降爵位主典以下決笞杖其贓  
物倍而徵之今問朝集使及諸國造等備知國司等  
罪狀念斯違詔豈不勞惜夫牧民之官自率而正孰  
敢不正若君若臣心不正者當受其罪追悔何及凡  
諸國司隨過輕重考而罰之又諸國造違詔納賄國  
司兩求其利貪黷污穢不可不治然始居新宮將奉  
幣諸神且方農月後民營造宜大赦天下并免國司  
等罪自今以後國司等謹遵前詔勿敢放逸如其鹽  
屋鰯魚神社福草朝倉君梳子連三河大伴直蘆尾

直

四人  
名闕

則能奉詔無有違越朕深嘉焉又罷官司凡

田免吉備島皇祖母所貸稻以其凡田班賜群臣及  
伴造等賜田及山於籍外佛寺二十日壬午皇太子  
獻入部五百二十四口凡倉一百八十一所二十二  
日甲申詔曰朕聞西土之君戒其民曰古之葬者因  
高爲墓不封不樹棺槨足以朽骨衣食足以朽肉故  
朕欲營丘墟不食之地使後世不知其所無藏金銀  
銅鐵一以瓦器合古塗車芻靈之義棺漆際會奠三  
過飯含無以珠玉無施珠襦玉押夫葬者藏也欲人  
弗得見也適者我民貧窶專由營墓爰定其制使別



尊卑凡王以下至庶民不得營殯畿內及諸國宜定  
一葬地不得散埋處處凡遇人死有自經而從絞人  
爲殉者或瘞馬於壙或藏寶於墓或斷髮刺股而誅  
如此弊習一切禁遏若有違詔者罪逮其族又詔罷  
市司要路津濟渡子之調賦而給田地凡自畿內及  
於四方農月早務耕種禁美味飲酒當差清廉使者  
告畿內其四方諸國則國造等宜擇良使依詔勸課  
秋八月十四日癸酉下詔諭新設百官悉改舊職之  
意于臣連伴造國造九月遣小德高向玄理於新羅  
徵質本書作黑麻呂注曰黑  
麻呂更名玄理今從之遂罷任那調是月行幸

蝦蟇離宮是歲越國鼠晝夜相連東徙

三年丁未春正月十五日壬寅觀射於朝是日高麗  
新羅遣使貢調夏四月天王壞小郡營宮而居定禮  
法工人大山位倭漢荒田井比羅夫穿溝瀆通難波  
督役失方百姓疲勞有上疏諫者詔曰誤信比羅夫  
言是朕之過也即日罷役冬十月十一日甲子行幸  
有間溫湯左右大臣群卿大夫從焉十二月辛巳晦  
還御武庫行宮是日皇太子宮災是歲制七色十三  
階冠立滄足柵置柵戶小德高向玄理小山中中臣  
押熊還自新羅新羅遣上臣大阿滄金春秋等護送



之獻孔雀鸚鵡各一隻留春秋為質

四年戊申春正月壬午朔賀正是夕行幸難波豐碕宮夏四月辛亥朔罷古冠是歲新羅貢調治磐舟柵備蝦夷遷越信濃民置柵戶

五年己酉春正月丙午朔賀正二月改制冠十九階置八省百官三月十七日辛酉左大臣阿倍倉梯麻呂薨天皇舉哀於朱雀門二十四日戊辰右大臣蘇我倉山田石川麻呂以其弟日向讒自殺事敗日向為太宰帥夏四月二十日甲午以小紫巨勢德太古為左大臣小紫大伴長德為右大臣並授大紫五月

癸卯朔

今推干支癸卯當作甲辰然摠舊文不輒改

遣小紫下三輪也夫

大山上掃部角麻呂等於新羅是歲新羅使沙唎部食金多遂來質

白雉元年庚戌春正月辛丑朔行幸味經宮受朝賀即日還宮二月九日戊寅穴戶國司草壁醜經獻白雉下詔議為祥瑞養之於園十五日甲申天皇觀白雉儀衛如元會乘雉於輿使群臣昇之左右大臣掖至御坐前皇太子使左大臣德大古率群臣上表稱賀詔曰夫聖王出世治民則天應之以祥瑞昔在西土之君周成王漢明帝之世白雉爰見我日本國譽



田天皇之世白鳥巢宮大鷦鷯帝之時龍馬西出自  
古迄今祥瑞時見以應有德其類多矣所謂鳳凰麒麟  
白雉白鳥以及草木有符應者皆是天地所生休  
祥嘉瑞也夫明聖之君獲斯祥瑞適其宜也朕惟虛  
薄何以享斯蓋由輔翼公卿臣連伴造國造各盡丹  
誠奉遵制度之所致也公卿百官各當以清白意敬  
奉神祇並受休祥使榮天下又詔曰今我親神祖之  
所知穴戶國中有此嘉瑞所以大赦天下改元白雉  
禁放鷹於穴戶境賜公卿以下至今史各有差授醜  
經大山厚加賞賜彼穴戶三年調役夏四月新羅貢

調本書注一說天皇之世百濟各十月修豐碕宮使

將作大匠荒田井比羅夫立界標徙其界內墳墓及  
賜被徙人物有差是歲遣使安藝造百濟船

二年辛亥夏六月百濟新羅貢調秋七月右大臣大  
伴長德薨秋七月以下補任冬十二月戊午晦召僧尼二十

一百餘人於味經宮讀大藏經然燈二十七百餘於  
廷內讀安宅土側等經於是天皇自大郡遷新宮號

難波長柄豐碕宮按本書大化三年營小郡宮此云  
遷自大郡蓋小大國音相近非別

也處是歲新羅貢調使至筑紫著唐國服責還之  
三年壬子春正月己未朔賀正是日行幸大郡宮三



月九日丙寅車駕還宮夏四月二十日丁未大雨九日洪水壞屋傷稼人畜多死是月作戶籍新羅百濟貢調

四年癸丑夏五月十二日壬戌發遣唐使以小山上

吉士長丹為大使小乙上吉士駒一名絲為副使室

原御田為送使又以大山下高田根麻呂一名八拘為

為大使小乙上掃守小麻呂為副使土師八手為送

使是月車駕臨僧旻房間病月僧旻臥病於阿曇寺

僧旻死遣使賜賻為使畫工多圖佛菩薩像安川原

寺本書注一本秋七月遣唐使高田根麻呂至薩麻

竹島之門合船漂沒唯門部金等五人得免經六晝

夜而不食糗金進位賜物是歲皇太子奏請遷于倭

京不許皇太子奉皇祖母尊皇后率皇弟移居倭飛

鳥河邊行宮公卿百官皆從天皇不樂欲棄天位造

宮於山崎

五年甲寅春正月戊申朔夜鼠徙倭京五日壬子授

紫冠內臣中臣鎌足二月以大錦上高向玄理為遣

唐押使本書註一本云夏五月遣小錦下河邊麻呂

為大使大山下藥師慧日為副使本書注伊吉博德

曰學問僧慧妙覺



勝死於唐知聰智國義通死於海庚寅歲智宗乘新  
羅船而歸乙丑歲定惠來劉德高船而歸是歲學生  
水老人高黃金僧妙位法勝等十二人及韓智興趙元寶與使人共歸秋七月遣唐使  
小山上吉士長丹等與百濟新羅送使共歸至筑紫  
多得書籍寶貨獻之授長丹小華下封二百戶授駒  
小山上冬十月癸卯朔天皇不豫皇太子奉皇祖母  
尊皇后率皇弟公卿等詣難波宮十日壬子天皇崩  
於正寢本書享年開神皇正統記建仁殯於南庭使  
小山上土師土德掌殯宮事葬河內大坂磯長陵天  
皇爲人柔仁好儒不擇貴賤屢降恩教崇佛法輕神  
道伐生國魂社樹之類是也追諡曰孝德天皇

齊明天皇讓位於孝德帝上尊號曰皇祖母尊白雉  
五年十月孝德帝不豫自飛鳥河邊行宮至難波宮  
既而帝崩十二月八日己酉葬孝德天皇是日自難  
波還行宮是歲三韓遣使來弔  
元年乙卯春正月三日甲戌皇祖母尊再即天皇位  
於飛鳥板蓋宮立中大兄皇子爲皇太子巨勢德太  
古爲左大臣中臣鎌足爲內臣並如故巨勢以夏五  
下補任  
月庚午朔空中有人乘龍自葛城嶺馳入膽駒山秋  
七月十一日己卯賜食北越陸奧蝦夷因授柵養津  
川蝦夷冠各二階八月戊戌朔小錦下河邊麻呂等



還自唐冬板蓋宮災天皇遷飛鳥川原宮是歲三韓  
貢調新羅以及冷彌武爲質蝦夷隼人率服貢獻  
二年丙辰秋八月八日庚子高麗貢調九月遣使于  
高麗以勝葉積爲大使坂合部石布爲副使是歲改  
卜宮地於飛鳥岡本時三韓來貢因幕其地以饗之  
遂起宮闕而遷居焉號曰後飛鳥岡本宮又起觀於  
田身嶺上而槻樹下周之以垣號曰西槻宮又曰天  
宮又造吉野宮西海使佐伯栲繩本書注山下難  
波國勝等還自百濟獻鸚鵡一隻岡本宮災  
三年丁巳秋七月吐火羅國人二男四女漂泊筑紫

逸驛召之十五日辛丑假造須彌山於飛鳥寺西設  
盂蘭盆會是歲遣間人御厩依網稚子僧智達等於  
新羅護送於唐新羅不奉詔御厩等歸西海使小萃  
下阿曇頰垂小山下津偃樓還自百濟獻駱駝一驢  
二石見言白狢見

四年戊午春正月十三日丙申左大臣大紫巨勢德  
太古薨夏四月阿倍比羅夫率舟師一百八十艘伐  
蝦夷降之授齧田蝦夷恩荷小乙上置淳代津輕二  
郡郡領而歸秋七月四日甲申蝦夷二百餘口詣闕  
貢獻給施有加授冠位有差特賜大領小領旗鼓弓



矢鎧詔濔代大領沙尼具那檢其戶口與捕虜戶口  
冬十月十五日甲子行幸紀溫湯十一月有間皇子  
謀反留守獲我赤兄馳驛上變九日戊子捕皇子傳  
致行在十一日庚寅伏誅并刑其黨與是歲越國守  
阿倍比羅夫伐肅慎獻罷二羆皮七十張僧智踰造  
指南車出雲言海濱有魚死而積厚三尺許雀啄滅  
鱗其大如船西海使小華下阿曇頰垂還自百濟  
五年己未春正月三日辛巳車駕至自紀溫湯三月  
戊寅朔行幸吉野肆宴三日庚辰行幸近江平浦十  
日丁亥吐火羅人來是月阿倍比羅夫率舟師百八

十艘討蝦夷降之置郡領於後方羊蹄而歸一本書注

阿倍引田臣比羅夫伐肅慎遷獻虜四十九人教授陸奧及越國司位各二

階郡領主政各一階秋七月三日戊寅遣小錦下坂

合部石布大山下津守吉祥聘於唐將陸奧蝦夷男

女二人示唐主是歲命出雲國造修嚴神宮

六年庚申春三月遣阿倍比羅夫率舟師二百艘伐

肅慎夏五月八日戊申高麗朝貢是月敕作高座一

百衲袈裟一百設仁王般若會皇太子始造漏刻秋

九月五日癸卯百濟遣使奏一書注一本曰百濟人自避難來新羅

借唐兵而滅我國佐平鬼室福信與新羅戰圖恢復



冬十月鬼室福信遣使獻唐倂一百餘人乞救且請  
迎王子豐璋以為國主詔曰乞師請救聞之古昔扶  
危繼絕著自恒典百濟國窮來歸我以本邦喪亂靡  
告枕戈嘗膽心存極救遠來表啓志有難奪可分命  
將軍百道俱前雲會雷動俱集沙喙剪其鯨鯢紿彼  
倒懸有司宜以禮發遣十二月二十四日庚寅行幸  
難波宮初天皇欲行幸筑紫遣兵救百濟故行幸難  
波簡閱軍器救駿河造船科野言有蠅聚飛十圍許  
上蔽碧空西踰巨坂

七年辛酉春正月六日壬寅親帥舟師西征八月甲

辰至大泊海十四日庚戌次于伊豫熱田津石湯行  
宮三月二十五日庚申遷挪大津居盤瀨行宮改號  
長津夏四月百濟佐平鬼室福信上表乞迎其王子  
紇鮮五月本書注或九日癸卯天皇伐朝倉社樹造  
櫛廣庭宮遷居之神為崇宮壞鬼火見大倉人及諸  
近侍病死者多是時置刈萱關是時以下二十三日  
丁巳耽羅王子阿波伎等始來貢秋七月二十四日  
丁巳天皇崩于朝倉宮本書享年闕水鏡正統記一  
代要記紹運錄皇年代畧記  
皆曰六殯于飛鳥川原葬大和小市岡上陵延喜式  
十八初天皇居飛鳥岡本宮喜營造鑿渠自香山西  
陵岡上



至石上山以舩二百隻運石上山石於宮東山麓之  
為垣材木朽腐委積山椒工匠後夫十餘萬人費用  
不貲士民怨苦謂之狂心渠人謳曰作石山丘隨作  
自破及追上諡前朝曰皇極天皇后朝曰齊明天皇

天保九戊戌年夏六月六日謹書寫之 中村萬喜直道

大日本史卷九終

大日本史卷十

本紀第十

權中納言從三位源光圀修  
男權中納言從三位綱條校

天智天皇

天皇大友

天智天皇初稱葛城皇子据本書舒  
明二年文一名中大兄舒

明帝長子皇極帝所生也天皇少時惡蕪拔入鹿之  
專與中臣鎌足謀誅之及事平皇極帝欲傳位於天  
皇天皇從鎌足言辭而不受於是帝禪位於孝德帝



立天皇爲皇太子匡輔朝政齊明帝七年正月從西  
征七月帝崩於行宮皇太子素服稱制是月唐將軍  
獮定方與突厥王子契苾何力等據唐書契苾何力  
其先鐵勒別部之  
酋長也父名葛此  
云突厥王子未詳水陸俱進薄高麗城下八月甲子  
朔皇太子遷長津宮聽海表之軍政是夕朝倉山上  
有鬼載大笠視喪儀是月遣前將軍大華下阿曇比  
羅夫小華下河邊百枝後將軍大華下阿倍引田比  
羅夫大山上物部熊大山上守大石等救百濟給兵  
伏五穀九月授織冠於百濟王子豐璋還其國使大  
山下狹井檳榔小山下朴市秦田來津率兵五千餘

護送之十月七日己巳皇太子發長津二十三日乙  
酉還難波十一月七日戊戌殯齊明帝於飛鳥川原  
臨九日十二月高麗言是歲寒極凍甚唐兵不堪士  
卒棄敝取其二壘是歲播磨國司岸田麻呂獲寶劍  
以獻壬戌歲正月二十七日丁巳賜百濟佐平鬼室  
福信矢十萬枚絲五百斤綿一千觔布一千端羣一  
千張稻種三千斛三月四日癸巳賜百濟王子豐璋  
布三百端是月唐人新羅人伐高麗高麗請救遣軍  
將據疏留城四月鼠產子於馬尾五月大將軍大錦  
中阿曇比羅夫帥舟師一百七十艘宣敕立豐璋爲



百濟王賜金策於福信褒賜爵祿六月二十八日丙戌百濟貢調是歲為救百濟修繕甲兵備船糧食癸亥歲二月二日丙戌百濟貢調是月鬼室福信獻唐倖續守言等三月遣前將軍上毛野稚子間人大蓋中將軍巨勢神前譯語三輪根麻呂後將軍阿倍引田比羅夫大宅鎌柄率兵二萬七千伐新羅八月新羅入百濟圍其王城諸將與唐兵戰於白村江不利唐書白村江利作白江口小山下朴市秦田來津死之百濟王豐璋走高麗九月諸軍還自百濟佐平余自信達率木素貴子谷那晉首憶禮福留等率國民從來廩給

四年甲子歲二月九日丁亥命大海人皇子本書書大皇弟

然天皇未即位猶稱皇太子故書皇子改增冠位為二十六階定氏上

民部家部其大氏之氏上賜大刀小氏之氏上賜小

刀伴造等氏上賜干楯弓矢三月以百濟王善光王

等居難波百濟王善光王未詳隕星於京北是春地震五月十

七日甲子唐百濟鎮將劉仁願按唐書劉仁願先是歸唐留鎮百濟者劉

仁軌也遣朝散大夫郭務悰等進表獻物是月大臣

大紫籙我連子薨續日本紀曰近江朝大臣大紫連子公卿補任一代要記並云大臣

大紫籙我連子臣元年為大臣如元未詳除拜六月

島皇祖母命薨舒釋日本紀曰敏達帝女十月四日戊



寅饗郭務悰等賜有差十二月近江言坂田郡粟太  
郡並生瑞禾是歲置防烽於對馬島筑紫等國又築  
大堤於筑紫貯水名曰水城乙丑歲二月二十五日  
丁酉間人太后崩是月校勅百濟官位追褒佐平鬼  
室福信之功授達率鬼室集斯小錦下處百濟男女  
四百餘口於近江神前郡給田八月差百濟人答本  
春初於長門築城差憶禮福留四比福夫於筑紫築  
大野及椽二城耽羅來聘九月二十三日壬辰唐使  
上柱國劉德高郭務悰奉表十月十一日己酉大閱  
免道十一月十三日辛巳饗唐使十二月劉德高等

歸賜物有差是歲遣小錦守大石小山境部石積大

乙岐彌針間於唐

本書注曰蓋護送唐使也

丙寅歲正月十一日

戊寅高麗貢調耽羅王遣其子始如貢獻三月皇太

子徃佐伯子麻呂家問其疾七月大水是秋復祖調

十月二十六日己未高麗又遣使貢調是冬京師之

鼠移于近江處百濟男女二千餘口於東國僧智由

獻指南車丁卯歲二月二十七日戊午葬齊明天皇

以間人皇女祔焉

按間人皇女舒明帝之女孝德帝之後齊明帝之從姊也前書太后

此書皇女從本書之舊文終不葬磯長陵而祔小布陵其故未詳高麗百濟新羅人

舉哀道上皇太子謂群臣曰我奉皇太后天皇之教



憂卹萬民不起石棺之役冀永世以為誠三月十九

日巳卯遷都近江歷代皇紀要記並云正月遷滋賀郡大津宮百姓不欲

多諷諫童謡屢火六月萬野郡獻白燕七月十一日

巳巳耽羅貢獻八月皇太子如倭京十一月九日乙

丑百濟鎮將劉仁願遣上柱國司馬法聰等送還大

山下境部石積等於筑紫都督府十三日巳巳司馬

法聰等歸使小山下伊吉博德大乙下笠諸石護送

是月築城于倭國高安讚吉國屋島對島金田

元年戊辰春正月三日戊子皇太子即天皇位是為

天命開別天皇本書以壬戌歲為元年而天武紀曰四年十二月天命開別天皇崩是則

以即位年紀元今據之本書註又曰一云六年春三月即位天皇至孝殯先帝六

年至此登祚愚管劄要記七日壬辰宴群臣於內裏二十

三日戊申小山下伊吉博德等還自百濟二月二十

三日戊寅立倭姬為皇后納獲我遠智娘姪娘阿倍

檮娘獲我常陸娘為嬪夏四月六日庚申百濟貢調

五月五日戊子獵蒲生野大海人皇子諸王以下群

臣悉從秋七月高麗貢調是月講武於近江江多置

牧放馬越國獻然土然水九月十二日癸巳新羅貢

調二十九日庚戌使布勢耳麻呂賜新羅王輸調船

一隻冬十月唐滅高麗十一月辛巳朔賜新羅王絹



五十足綿五百斤葦一百枚五日乙酉遣小山下道  
守麻呂吉士小籓於新羅是歲新羅僧道行盜草薶  
劍將逃其國路迷風雨而還

二年己巳春三月十一日己丑耽羅王遣其子久麻  
伎貢獻十八日丙申久麻伎歸賜五穀種於耽羅王  
夏五月五日壬午獵山科野大海人皇子及群臣悉  
從秋八月三日己酉天皇上高安嶺議修城慮疲民  
而止時人稱其仁德九月十一日丁亥新羅貢調是  
秋震內臣中臣鎌足第冬十月十日乙卯車駕臨中  
臣鎌足第問病十五日庚申遣大海人皇子於鎌足

第賜姓藤原授大織冠爲內大臣位在左右大臣上

內大臣始于此位以下補任職原抄十六日辛酉內大臣藤原

鎌足薨十九日甲子臨鎌足第宣詔賜賻十二月大  
藏災是冬修高安城藏畿內租稅班鳩寺災是歲遣  
小錦中河內鯨等於唐從百濟佐平餘自信佐平鬼  
室集斯等男女七百餘口於近江蒲生郡唐使郭務  
棕等二千餘人來

三年庚午春正月七日辛巳詔士大夫大射宮庭十  
四日戊子制朝廷禮節及行路相避之儀禁誣妄妖  
僞二月造戶籍亂斷盜賊浮浪行幸蒲生郡置邇野



觀宮地又修高安城蓄鹽穀築城長門一筑祭二三月九日壬午設諸神座於山御井傍班幣帛夏四月壬申晦夜震法隆寺災六月有人獲龜背畫甲字上黃下玄長六寸許秋九月辛未朔遣阿曇頰坐於新羅是歲造水確冶鐵

四年辛未春正月二日庚子大錦上獲我赤兄大錦下巨勢人奏賀正事五日癸卯大錦上中臣金宣神事是日以大友皇子拜太政大臣獲我赤兄爲左大臣中臣金爲右大臣獲我果安巨勢人紀大人爲御史大夫置太政大臣御史大夫始于此置以下六日補任

甲辰大海人皇子

本書註一云大友皇子

奉敕頒冠位法度大

赦天下九日丁未高麗貢調十三日辛亥百濟鎮將劉仁願遣李守真等上表是月按百濟佐平餘自信沙宅紹明等五十餘人位各有差二月二十三日庚寅百濟貢調三月三日庚子黃書本實獻水泉十七日甲寅常陸獻侏儒長一尺六寸夏四月二十五日辛卯始置漏刻於新臺擊鐘鼓以警時天皇爲皇太子時所親製也是月筑紫言產八足麿五月五日辛丑宴西小殿大海人皇子及群臣侍焉再奏田舞六月十五日庚辰百濟貢調是月新羅貢調獻水牛山



雞各一秋九月本書註一天皇不豫冬十月七日庚

午新羅貢調八日辛未宮中開百佛眼遣使供袈裟

金鉢象牙沈水旃檀及諸珍寶於法興寺十七日庚

辰天皇彌留召大海人皇子詔曰朕疾病屬汝以後

事皇子再拜稱病固辭請為僧天皇許之十九日壬

午皇子再入宮拜辭入吉野立大友皇子為皇太子

水鏡按本書例大凡立皇太子必再書於前帝紀書

曰某年立某皇子為皇太子至嗣帝紀書曰某天皇

稱年立為皇太子特至天智紀不書立皇太子而有

命開別天皇元年立為東宮太子者至天武紀始曰天

書法不明天皇元年於此紀不書立天武為東宮前

皆以大海人皇子稱之按懷風藻大友皇子年甫弱

冠拜太政大臣年二十三立為皇太子由是推之元

年大友年二十一然則元年為太政大臣三年為皇

太子乎如此則其餘事實大并差據水鏡是歲正月

拜太政大臣九月帝疾大漸欲傳位於天武天武稱

多病薙髮入吉野十月立大友皇子為皇太子於理

或然懷風藻明言其為皇太子然不書日月水鏡係

是歲十月其說頗明白且與日本紀文前後相應故

今從十一月太宰府言唐使郭務悰等至此智島二

十四日丁巳近江宮災二十九日壬戌左大臣糠成

赤兄等五人奉皇太子盟天皇后是日賜新羅王絹

絕綿葦是歲讚岐生四足雞大炊省鼎鳴十二月三

日乙丑天皇崩于近江宮年四十六紹運錄神皇正

記並云五十八要記五十三按本書舒明紀十一月

癸酉殯于新宮葬于山背山科陵水鏡曰天皇騎馬



入山科林中不知所終唯遺履耳取而瘞陵今不取天皇恢開帝業弘闡皇猷

設序序徵茂才定五禮興百度憲章法則規模弘遠

賣古以來未之有也親製文章甚多今皆不傳以下

懷風常命群臣撰令二十二卷謂之近江朝令弘仁

置國忌於崇福寺次江家追謚曰天智天皇初天皇從

齊明帝在筑紫造宮於朝倉山中材木不斲務從質

樸時人謂之黑木御所又號木丸殿蓋不勞民也親

製朝倉木丸殿歌後世以為神樂曲神樂

天皇大友幼名伊賀皇子天智帝長子也母伊賀采

女宅子娘為人魁岸奇偉天性明悟風範弘深眼中

精燿博學通古有文武才幹唐使劉德高見而異之

曰殿下風骨不尋常人實超貴國之分為人以下天

智帝四年正月拜太政大臣總百揆攝萬機群下肅

然以百濟人學士沙宅紹明答炆春初吉大尚許率

毋木素費子為師友文藻日進總以下十月十七日

庚辰帝疾病召大海人皇子欲傳位皇子從獲我安

麻呂之言固辭為僧入吉野時人謂虎傳翼放之也

於是立天皇為皇太子皇太子據水十一月二十三

日丙辰皇太子坐西殿織佛像前左大臣獲我赤兄

右大臣中臣金御史大夫獲我果安巨勢人紀大人



侍焉皇太子手執香爐起而誓曰我與卿等同心奉

詔今按本書不載詔文以前後文考之天若有所違

上天降罰赤兄等隨次執香爐泣血誓曰臣等五人

從殿下兼詔旨若有渝者神明是殛子孫絕家門亡

五臣復奉皇太子盟於帝前本書又不十二月三日

乙丑天智帝崩五日丁卯皇太子即天皇位五日以下水鏡

大鏡亦曰為太政大臣  
同年為帝附備考證

元年壬申春三月十八日己酉遣內小七位阿曇稻

敷於筑紫告國喪於唐使郭務悰郭務悰等喪服舉

哀東向誓首二十一日壬子郭務悰等獻書函信物

夏五月十二日壬寅賜甲冑弓矢絕布綿於郭務悰

等二十八日戊午高麗貢調六月大海人皇子反于

吉野遣其將村國男依和珥部君手身毛廣於美濃

差發兵衆急塞不破道使大分惠尺等乞驛鈴於倭

留守司高坂王高坂王不聽於是皇子發途東行使

伊勢國司三宅石床等率兵五百塞鈴鹿山道京師

大震天皇召群臣會議一臣進策曰急發驍騎躡跡

追之若遲緩則失事機天皇不聽遣葦那盤鍬書藥

忍坂大麻呂於東國穗積百足及第百枝或作五物

部日向于倭京佐伯男于筑紫樟盤手于吉備國發



兵乃諭男磐子曰筑紫太宰率粟隈王吉備國守當  
摩廣島雅屬心吉野若不服就殺之磐手列吉備  
國授符給廣嶋殺之男至筑紫粟隈王兼符辭謝不  
肯出兵磐鋏等至不破爲伏兵遮藥大麻呂被獲磐  
鋏逃歸高坂王與穗積百足等營于飛鳥寺西槻下  
百足爲吉野將大伴吹負所誘殺百枝日向亦被擒  
餘是高坂王雅狹王懼出降秋七月庚寅朔吉野將  
坂本財陷高安城二日辛卯黎明壹岐韓國分軍自  
大津丹比二道進攻財于高安城財等進兵渡衛我  
河韓國戰河西破之朝廷遣山部王獲我果安巨勢

人將兵數萬襲不破而軍火上川濱山部王爲果安  
人所殺軍亂不進果安自殺將軍羽田八國其子大  
人以其族降于吉野當是時河內國司來目鹽籠潛  
應不破軍以集兵衆韓國知將誅之鹽籠聞謀泄自  
殺四日癸巳將軍大野果安擊大伴吹負于乃樂山  
大破之追至八口疑有伏而退五日甲午夜別將田  
邊小隅襲吉野將田中足麻呂所守倉歷營大破之  
六日乙未小隅進兵襲荻野營不利而走七日丙  
申境部藥興村國男依戰息長橫河兵敗死之九日  
戊戌秦友足與男依戰鳥籠山死之吹負招聚散卒



西至當麻衢韓國進戰葦池上不利諸將進自上中  
下三道犬養五十君爲中道將屯村屋使別將廬井  
鯨率精兵二百衝吹負營敵兵連射鯨不能進上道  
官軍與三輪高布麻呂置始菟戰箸陵敗走於是高  
布麻呂等斷鯨軍後軍爲之潰死傷者多鯨單騎危  
歸十三日壬寅官軍與男依等戰安河上而敗社戶  
大口土師千島被獲十七日丙午戰于粟太官軍又  
敗二十二日癸亥村國男依等薄瀨田天皇悉衆軍  
橋西旗幟敵野鉦鼓震天整陣蒞之強弩連發將智  
尊率精銳爲先鋒撤橋板三丈置一長版繫索設機

將令度者陷吉野兵不敢進大分稚見棄矛提刀踏  
板疾度截斷版索冒矢以入衆兵繼進官軍亂走智  
尊怒斬退者然不可禁智尊戰死軍遂敗績是日三  
尾城陷二十三日壬子犬養五十君谷鹽手與村國  
男依戰于粟津市敗死左右大臣群臣皆逃唯物部  
麻呂及一二舍人從天皇走無所入乃還崩于山前  
時年二十五初天皇夢朱衣老翁捧日授天皇有人  
從腋下出棄而去已覺驚異語中臣鎌足鎌足嘆曰  
聖朝萬歲之後恐有巨猾間釁然臣生之日豈有此  
事臣聞天道無親唯善是輔大王自勤修德災異不



足憂也臣有女願納後庭遂結姻戚更相親睦至是  
 天命果不遂矣嘗侍宴獻詩曰皇明光日月帝德載  
 天地三才並泰昌萬國表臣義述懷曰道德兼天訓  
 鹽梅寄真宰羞無監撫術安能臨四海時年以下本  
 朝作詩賦始于天皇按本書持統紀曰詩賦之興自  
 河島皇子詩於大津皇太子之先蓋帝大友崩時大津  
 皇子年僅十歲未可言詩必矣然則本朝言詩始于  
 帝大友可知焉

天保九戊戌年夏六月九日謹書寫之

中村萬喜直道

大日本史卷十終



